

Wirtinne und yrem kinde 25 schog guter gr, dy habe wir usgelyhen umme einen cyns den nachgeschr(iebenen).

^(b)Henneln Bottscher^(c) und syner elichen wirtin habe wir des selbin geldes gelihen 20 schog mysner gr, davon sy alle jare cynsen und zu cynse gebin sullen, der Heinrich Wirtin und irem kynde, dy wile sy dy phenninge ynne haben, zwey schog gr halb uf senthe Walpurgen tag, daz andere halp teyl uf senthe Michels tag. Vor dy phenninge dy 20 schog und zinse haben sy uns, man und wyp, gelobet und habin uns ouch da vûr alle ire erbe, ^(d)huws, hofe unde åckere,^(d) und guter zu phande gesaczt, alz phandes recht ist, daz wir vor allen luten erbenemen (!) und anwarten und glauben dy egnanten phenninge dar uf haben sullen. Ouch wenne sy der phenninge nymmer inne haben wollen umme dy cinse, so sullen sy uns daz ein virtel jares vor ufsagen unde dy phennige mit dem cinse wider bezalin. So selbins sulle wir yn wyder ufsagen ein virtel jars, wenn wir yn^(e) dy phenninge nicht lenger inne lazin wollen. Actum MCCCC^(f) secundo^(g) die^(h) Walpurgis.⁽ⁱ⁾ Würde dy muncze gewandelt, wenne sy dy 20 schog wider wollin gebin, so sol er geben^(j) ye vor 40 gr einen ryneschen gulden das macht 30 gulden.

a) davor Fingerzeigzeichnung b) alles durchgestrichen c) Name über die Zeile geschrieben, ersetzt durchgestrichen Martino Salburg d-d) am linken Rand, Einfügestelle gekennzeichnet e) folgt durchgestrichen in den f) nach Austreichung, vorher MCCCXCVI g) am linken Rand, Einfügestelle gekennzeichnet h) über die Zeile geschrieben i) am rechten Rand, Einfügestelle gekennzeichnet, ersetzt durchgestrichen vigilia Michahelis j) folgt durchgestrichen vor n

500.

1396 September 28

Die Stadt verleiht Geld.

fol. 83v ^(a)Wisset daz wir des egnanten geldes Conrad Loschen und syner elichen wirtin gelihen habin funff schog gr, davon sy der Heinrich Wirtin und irem kinde alle jar cinsen sullen 30 gr halb uf^(b) Walpurgis, halp uf sente Michels tag, da vûr uns, man und wyp, gelobet habin und habin uns da vûr gesaczt zu phande, alz phandes recht ist, huws und hofe, alle ir erbe und guter, daz wir dy egnanten phenninge vor aller menneclichen daruf habin sullen und ufsagen alz vorgeschr(ieben) stet. Actum M^o CCCC^o XCVI vigilia Michahelis.^(c)

a) alles durchgestrichen b) folgt durchgestrichen nach Walpurgis c) am linken Rand von anderer Hand zwei Mal unser freuntlich; darunter unsern fruntlichen dinst ersamen wiesen liebin frunde